

愚

齋

存

稟

愚齋存彙卷第五十五目錄

電報三十二

行在軍機處來電

寄美京伍大臣

北京李中堂來電

粵督陶方帥來電

袁慰帥來電

寄袁慰帥

寄陶方帥

寄全權大臣江鄂蘇浙東督撫帥

李中堂寄江督電

陶方帥來電

寄陶方帥

寄湘撫俞廩軒中丞

皖撫王灼棠中丞來電

慶邸李相寄晉撫岑中丞電

陶方帥來電

俞中丞來電

寄西安軍機處北京全權大臣總署江鄂粵督帥皖東撫帥

寄江鄂川粵蘇浙皖贛湘各督撫帥

張香帥來電

袁慰帥來電

寄全權隨員周玉山方伯徐進齋李仲平兩觀察

寄行在戶部

劉峴帥來電

北京周玉山方伯等來電

張香帥來電

寄江鄂督帥

寄行在戶部北京全權大臣

寄 行在軍機處江鄂督帥山東撫帥

寄北京柯道鴻年

行在戶部來電

劉峴帥來電

寄北京全權大臣各省督撫帥

行在張野秋總憲來電

寄江鄂督帥山東撫帥

寄江鄂督帥蘇浙撫帥

張香帥來電

劉峴帥來電

寄江鄂督帥山東撫帥

行在王中堂來電

北京全權大臣戶部來電

寄北京全權戶部

寄西安王中堂

又

寄行在滎中堂王中堂鹿尙書瞿尙書

寄袁中丞

寄北京邸相甯鄂督帥

張香帥來電

寄王中堂

王中堂來電

寄慶邸李相

寄王中堂

行在軍機處來電

北京慶邸李相來電

劉峴帥來電

寄巴黎裕大臣並轉楊呂羅伍各大臣

寄東京李大臣

寄濟甯浙撫任中丞

寄江鄂督帥贛湘撫帥

寄江督劉峴帥贛撫李勉帥

寄李中堂

劉峴帥來電

寄李中堂

又

寄蘇州聶中丞陸方伯羅糧道杭州余中丞誠方伯陸糧道

張香帥來電

李中堂來電

劉峴帥來電

寄劉峴帥張香帥

寄 行在政務處

行在政務處來電

寄李中堂

寄 行在王中堂

寄 行在政務處

李中堂來電

廣東陶方帥來電

行在王中堂來電

寄李中堂

寄 行在榮王兩中堂鹿巖兩尙書

劉峴帥來電

寄峴帥

愚齋存彙卷第五十五

電報三十二

行在軍機處來電

光緒二十七年三月二十一日

另借比款可以照辦小合同蓋印一節卽由尊處
咨請全權核辦可也

寄美京伍大臣

三月二十三日

全權電美教士放晉振公勸放陝振更好十年前西人
放山東振係公舉西人數位與華董合辦有實惠而無
窒礙美振約有若干乞示當代奏並商陝撫派妥人領
往極重處查放

北京李中堂來電

三月二十三日

上年五月籌振局詳請截留鄂漕三萬石並水腳等項充振時值拳匪肇衅裕任已否奏請無卷可稽直境兵災後又患旱荒待振甚急前款現尙存滬請匯解來京容卽補奏

粵督陶方帥來電

三月二十三日

賠款若重加地丁釐金鹽課必致擾亂裴副總稅司所擬節略於加稅并釐各節約歲增三千萬辦法甚善候與各國議行則抵款所缺無幾設籌較易赫德偏袒外人所言未可盡信乞酌核可否轉

全權江鄂鑒裁

袁慰帥來電

三月二十四日

和議有頭緒否撤兵有期否請隨時示知將派右軍一半赴京交接盼早得信便可料理派往

寄袁慰帥

三月二十四日

和議已議到兵費實數四百五十兆聯軍料理賠款一定卽行撤退聞須暫留五千人貴部何時赴京交接已電請全權先期知會大疏頗合 聖意謂可照行

寄陶方帥

三月二十五日

漾電極佩已分轉全權江鄂赫德深知財政變動不易

年老思歸並無攬權之意至加稅并釐必須苦功磨到兩願方成目前急須指明的款賠償始能撤兵此中緩急先後極難著手香帥力主人丁捐照粵中能辦否

寄全權大臣江鄂蘇浙東督撫帥

三月二十六日

孫道寶琦宥電昨日奉政務處派陳瑤圃郭春榆兩樞密徐編修世昌樊道增祥及寶琦五人詳細閱看內外條奏摺件分別登記云

李中堂寄江督電

三月二十八日

前杏蓀電請代辦義振彩票當復礙難照辦乃捐局迭電堅請始拜疏請辦望垂念畿內艱危勉徇

救急爲盼乞復

陶方帥來電 三月二十八日

丁捐無籍可稽且恐驅而從教此閒擬仿四川畝捐副以房捐每年約可得百餘萬鹽務增抽甚難兩淮如何已電詢峴公鄙見新疆礦產久爲俄英垂涎倘能以之商抵似可稍紓財力裴稅司所議加稅并釐實爲善策雖驟難辦到總應設法婉商高見如何祈示並轉商全權江鄂

寄陶方帥 三月二十九日

儉電已摘轉全權江鄂頃樞電從鄂請命全權商各使

辦丁捐連教民租界商民在內但無籍可稽辦亦不易
平允鈞處仿辦畝捐似各省皆可行礦務須訂專章以
保土地而收權利

寄湘撫俞廙軒中丞

三月二十九日

接萍局電稱湖南編修曾廣鈞中書饒智元縣丞周瑞
等在萍鄉縣具稟開設寶源聚公司採買萍煤運湘販
售先蒙尊處批准發給公文並札長沙府轉飭各縣出
示曉諭並請萍鄉縣頒示存案等語查萍鄉煤礦二十
四年三月奉 旨禁止商人別立公司飭贛省隨時申
禁以重礦務等因現該商等別立寶源聚公司在萍採

買稟請萍鄉縣頒示不特顯違奏案且與尊處批准之文不符其爲影射無疑乞速賜查禁并就近電飭萍鄉縣嚴禁盼切電復

皖撫王灼棠中丞來電

四月初一日

前以鄂議稅課釐加倍策商甯覬帥以洋商加稅免釐華商獨受稅釐并加之困殊礙生計查洋稅及洋藥釐除還債外尙餘四百萬擬益以常稅漕折漕項作抵事後就房捐印花等稅籌補春查所指抵項數只千萬峴意蓋主歲償千五百萬之議耳此數較易彌補似可照辦遂轉商之鄂迄今未

復前月二十六復奏文曰此次賠款太鉅斷非零星攢湊所可集事雖籌法多端而事屬創辦斷難預佔成數卽各國亦斷不肯聽我虛擬作抵且恐一經指定辦理或多棘手惟歲償千五百萬雖以舊款作抵少易彌補最好是就此議加洋稅至值百抽十五雖免洋釐亦可至千數百萬以之作抵在我原略無所損若屆時磋磨未定卽權以舊款作抵而自籌彌補如鈔幣圖法房捐印花稅之類事易而數鉅不慮虛懸惟不可指作抵款以受牽制至皖省所應專籌者僅土藥一項應與各項通

行新法切實辦理云此奏係就甯意略有增改今
方帥欲仿辦四川畝捐蜀粵腴區事易款鉅自是
善策以新礦抵俄英適如其欲我亦無損便甚惟
別國若援索內礦須籌抵禦之詞耳并乞盡酌或
轉致

慶邸李相寄晉撫岑中丞電

四月初一日

昨德瓦帥欲派兵赴晉勦匪並欲法將獲鹿正定
一帶交伊接管當經切實函阻頃據函稱山西教
民屢報地方官不肯認真保護致復受匪欺凌祇
得留心觀望倘教民不獲切實保護派兵仍不能

免等語伊欲接防正定獲鹿爲西進後路意殊叵測已切屬法使勿讓望認真勦匪保教無使藉口爲要

陶方帥來電

四月初二日

廣東湖南錢糧本輕大可辦畝捐若江浙錢糧本重斷不可再加人丁捐亦萬萬難辦加洋稅裁釐金之說總宜設法

俞中丞來電

四月初二日

鑒電卽飭礦局查復曾廣鈞等並未赴局咨請開設寶源聚公司販運萍煤等情長沙府亦無轉飭

德國單議賠款各國必效尤分訂恐更難結束自
不如總議爲妥呂電萬不可行乞裁

寄全權隨員周玉山方伯徐進齋李仲平兩觀察
四月六日

俄領事面稱俄賠款連商民在內共七千六百萬兩似
總數四百五十兆各國商民賠款均在其中比較甲午
只多一倍似難商減莫若專請減息按三釐算首年繳
息一千三百五十萬照樞電年還二千萬以還清爲止
較爲直捷至抵款鹽務常稅釐金每年交由海關轉撥
加稅後議如此能否速結俄英比鐵路賠款在內在外

乞示

寄 行在戶部

四月初六日

宥電命擬設總局收捐及總收分解辦法先擬章程復
部核定等因查開捐本 朝廷萬不得已之政部定新
章五品以下折收三成由貢監捐知縣連三班僅收實
銀一千四百二十八兩已屬輕易近聞江甯山東先稍
減順直秦晉相繼大減在各省或因兵餉或因振需急
何能擇一隅之地捐局如林外人傳爲笑柄誠如鈞電
實非政體稍有財力皆成鉅官名器之濫一弊道府州
縣輕而易得吏治之壞二弊互相暗跌報部融銷相率

爲僞三弊捐官愈多收數愈少國用暗虧四弊閭文介
疏稱非開捐之爲害而減成之爲害理固昭然方今議
行實政樞部宜定畫一之規各省宜除紛歧之政捐輸
其一也擬請照向章統歸戶部及各省藩庫收捐惟捐
生赴衙署上兌素不稱便上海爲各省通衢或由戶部
奏設一局代部收捐名曰戶部統捐局一年之內照籌
餉例五品以下實官各班次花樣收三成四品以上及
州縣收四成遇缺先收八成銜封收二成貢監翎支各
項均酌中核定所收實銀統歸戶部必與冊報鍼孔相
符應撥某省軍餉若干某省振濟若干皆聽部撥不准

自收自用以前各捐同日截止則暗減融銷之弊一掃而空捐生恐一年後加成可期暢旺至官紳商富先捐後獎者若仍准減成給獎各捐戶多以捐票五六折轉售亦爲統捐之害此項旣稱報効祇應照籌餉例核獎不應減折因蒙下問密陳管見以備鈞裁

劉峴帥來電

四月初七日

魚電函件均悉此事傳相勘電勘復初一出奏似在得復之後傳相因已奏難止敝處奏案在前更難廢棄傳相來電謂係執事電請仿辦是以奉達極知籌款宜從大處下手姑無論大宗進款非能

猝辦縱有可籌亦當先抵賠款而本省用項不能
一日缺乏況此後舉行新政尤當昭示大信方足
以資鼓勵此中爲難情形想明者當早鑒及袁道
苟能歲籌十餘萬元以濟此等外銷用項全停更
所深願函示令增售票數大舉一節或合辦或仍
令該商獨辦敝處但得與前案不背不使該商藉
口當時月售二萬五千張月繳五釐一萬二千五
百元及商務地方善舉等款此後仍能按月照繳
無虧亦無不樂從所有此後增票增釐之款卽歸
順直振濟仍俟順直振竣將款存儲爲以後災區

酌濟之用方昭公允如尊意謂然卽請就近囑袁
道令該商籌議妥辦再昨准傅相電商辦大差需
款現蘇借十萬苟力所能及未嘗不竭力從事也
北京周玉山方伯等來電 四月初八日
俄款並未提開另議各國商民賠款均在總數內
鐵路在外周息四釐各國不允再減加稅自應緩
議

張香帥來電

四月初九日

初七日英領事霍必瀾來云奉薩使電停考一節
直隸山西全省皆生事此兩省鄉試全省俱停京

城係鬧事地方並應停會試及廷試以表明京城
曾出此最不好之事已告全權恐全權未奏囑敝
處轉請 朝廷照允等語實堪駭異當經力駁此
說太不公允與大綱條約第十條不符直晉並未
處處仇教且會試廷試係各省舉人進士非僅直
晉何能概停萬無此理參贊傑彌遜在坐云渠之
私見直晉兩省不鬧事州縣當可准小考鄉試必
須全停會試只可改在他省或在南京等語詰以
廷試乃係 御試又將改在何處傑默然當告以
此太無情理全權如何能奏鄂省甚不以爲然更

不能奏各使可自向全權議之駁辯許久霍傑云
卽不肯勸 朝廷照允亦必須將此節轉達當答
以姑將以上所言轉告政府謹據情奉聞此事愈
出愈奇各使究係因何創添苛條全權現與辨論
如何情形應否電詢全權之處請裁酌

寄江鄂督帥

四月初九日

邸相前電每年三千萬按三十年分攤息三釐三毫零
銀行覆核相符鄂電傑彌遜所稱四釐息三十年攤還
每年應攤二千六百萬有無筆誤乞示

寄 行在戶部北京全權大臣

四月初九日

海關正稅本來抽五連半稅二五共抽七五去年所議洋貨稅釐併徵係擬加倍共抽十五傑彌遜所議抽十如半稅在內僅加二五土貨不加稅所見極大但照稅則絲已抽足五次茶已抽十何止抽五

寄 行在軍機處江鄂督帥山東撫帥 四月初九日

頃查明四百五十兆俄英比法鐵路賠款在內俄領事則云其公司暗虧之款尙須歸東三省另議此頗有關係已設法另查

寄北京柯道鴻年 四月初九日

四百五十兆正數三釐三計息均可允准惟原議每年

三千萬三十年還清須改每年二千萬攤完為止未辦併徵以前只可將鹽課釐金常稅土藥稅儘撥仍照英德借款由各省撥交海關轉給俟開議通商稅則將稅釐併徵議定以後洋貨釐亦歸關自可歸稅務司一條鞭辦理此係宣一人私見各使詢及請轉告

行在戶部來電

四月初十日

魚電所論捐輸四弊均中肯惟尤以皆聽部撥不准自收自用為扼要辦法惟振務緊急若將捐款候撥不准留用恐各省藉口遲誤未能一體遵辦此節既不能辦則暗減融銷之弊無論如何設法

杜絕辦理均無把握至設一總局收捐可免彼此
跌價然於各省捐生多有不便現在辦振省分不
無藉口本部擬俟回京後將官階較崇花樣最大
者提歸部庫兌收候捐項核實稍資挽救此時暫
從緩議

劉峴帥來電

四月十一日並致香帥

鄂蒸滬佳電悉賠款必須總議若分議後患無窮
俄領所云公司暗虧歸東三省另議斷不可行請
杏翁速查示以便會鄂電奏傑參贊已到現正商
減息加稅容再電達

寄北京全權大臣各省督撫帥

四月十一日

樞真電奉

旨卦電悉各國償款四百五十兆四釐息

應准照辦欽此宣謹轉

行在張野秋總憲來電

四月十一日

久未通電爲歉變通宗旨中不主西公所籌商
多不如意商務宜提出交公在滬酌議已向樞言
之亦未定意

寄江鄂督帥山東撫帥

四月十三日

賠款四十年爲期每年還二千二百七十三萬零五十
年每年還二千零九十四萬零裴復核均符全權電奏

將來辦法以政府前擬每年籌二千萬爲宗旨敝處於此事並未電過全權自可毋庸更正

寄江鄂督帥蘇浙撫帥

四月十七日

邸相與樞戶商定海運漕糧交赫德改由洋商包運到倉每石銀六錢所有存招商局滬棧上屆江浙漕米三十餘萬石本屆蘇白漕二十餘萬石自應先行交運舊漕尤宜先交

張香帥來電

四月十八日並致峴帥

滬霰電可怪已極漕米向係招商局運貼補華商何以議定交赫德歸洋商包運是否今年暫局抑

係永遠定章何以杏翁不爭不惟瘠華肥洋且從此仰乳哺於他人矣此非干預內政而何漕折現議作抵何以仍運本色兩節均不可解望速示

劉峴帥來電

四月十九日

霰電悉鄂嘯電所詢各節極是請查示本屆江北新漕十三萬八千六百石有奇係在鎮江交兌是否統歸包運並望電復

寄江鄂督帥山東撫帥

四月十九日

鄂嘯電萬分感佩漕運改章邸相鹽電樞云津沽洋兵未撤鐵路暫難交還漕米江浙委員無法運京昨託赫

德代覓洋商包運由滬收運到倉交每石需銀六錢之譜輪船火車均在內封河前運完核與向年辦運費較省照此試辦有利無弊云樞電照准此聞不及商議無可挽回現存商局漕米六十萬石卽當交出將來權利必盡落他人之手洋商覬覦本已久矣

行在王中堂來電

四月二十日

囑電悉 回鑾准在七月日內卽定期降 旨鐵

路七月內可至正定此節已上陳甚爲喜慰希卽趕辦嚴佑之五六月振需已與商定由戶部墊撥銀十萬兩另撥米一萬石俾竟厥功銀須勸捐歸

還米可就款開除也

北京全權大臣戶部來電

四月二十日

赫德代招怡和仁記包運漕米初議由滬運交京
倉船糴運腳雜費共需每石行平六錢今忽稱每
百斤作一石計增四成大不合算希由尊處查明
招商局能否包運到倉運腳實需若干何時可運
完如能承辦不盡之言望速來京面商速電復

寄北京全權戶部

四月二十一日

漕米包運到倉輪船鐵路赫德均須轉手他人似難便
宜招商局則輪船運津係自己之事駕輕就熟力能爲

之惟鐵路非所屬勢難一氣呵成請卽派員向津京鐵路公司詢明由唐沽運倉每包需費若干每月能運若干大約鐵路年內能運之數局船封河前必能運到已派沈道能虎到京稟商一切

寄西安王中堂

四月二十四日

嚴振蒙墊十萬自應勸捐歸還和議一定各國必羣起爭辦各礦前經總局定章尙非長策擬卽妥籌良法入奏總期地利不塞而大權不落

又

四月二十九日

開平礦已售出事權盡屬洋人中國煤礦止有萍鄉二

十六電奏尙未奉 旨此與鐵廠槍礮廠輪船鐵路凡
用煤處均有關係該處運煤鐵路前經奏准有案萍醴
路工已及一半地方甚熨貼去夏因亂停工現往續辦
皆係華商資本請一電 旨係爲格外慎重若請而不
准恐華商裹足中止則煤礦鐵路數百萬成本虛擲將
來必爲洋人所奪事關大局中堂總司路礦用敢瀆陳
乞鈞示

寄 行在榮中堂王中堂鹿尙書瞿尙書

五月初一日

頃接山東胡藩司等公電袁慰帥於四月二十九日丁
本生母降服憂袁若去任德國礦路恐棘手會匪恐蠢

動畿疆洋兵初退伏莽未靖如勾結更費事彼係降服
可否請 旨奪情改爲署任乞鈞裁

寄袁中丞 五月初一日

司道公電驚悉太夫人噩耗想吾弟純孝哀毀甚念已
電政府並電慶李劉張以公若去任德國路礦必棘手
會匪必蠢動畿輔洋兵初退伏莽未靖如勾結必費事
時局艱難可否請 旨奪情改爲署任等語乞爲國葆
衛移孝作忠以慰中外之望

寄北京邸相甯鄂督帥 五月初二日

慰帥東電承勉移孝作忠凱受 恩至重敢不努力惟

愚齋存彙

卷五十五 電報三十二

七 恩補撫藏版

奪情之請名教攸關萬萬不可東省交涉現均就緒地方一律安靖但得一明練者坐鎮其閒必可相安不致棘手凱苦塊餘生萬念俱灰若以煩要之任委諸昏瞶必致貽誤轉負生成且秋閒有迎 鑾大差尤非棘人所宜經理無論如何擬懇 天恩准其終期年之制俾得扶柩歸葬稍盡烏私請再電各處萬勿請 旨無任延禱云宣轉

張香帥來電

五月初三日並致劉峴帥及山東紳士孔少霑太史

前聞袁帥奉諱卽已電樞東 旨奪情 上意素定也

寄王中堂

五月初四日

正在趕造正定輪路及電線接京信 回鑾改道口上
船在德州登岸走景州河間至保府坐輪車旋京如已
定議應將車站改在保定預備登車電線已造至磁州
亦須改由道口至德州循蹕路造赴保定乞速示

王中堂來電

五月初五日

京信云云實有此事仍候全權定議復奏就目前
論由潼關徑至開封毫無游移至何處渡河是否
水陸兼行須候全權復到再定鄙見保定車站及
德州至保定電線可免預備正定車站聽信再說

道口至德州線路甚長直可不必一切容隨時電達

寄慶邸李相 五月初六日

賠款先輕後重辦法細核海關舊債表光緒七十年止
新舊勻配每年還四千餘萬量力而行莫善於此至通
商行船章程約載各國以修改爲有益者中國認與議
改大約除加稅外中國必損多益少愈緩愈好似宜作
爲善後緩至約成以後從容商酌或可減免虧損屆時
必仍在京議去冬曾蒙指明奏調開議之際一奉鈞諭
卽當遵飭來京聽候指揮乞鈞裁奏復爲感

寄王中堂

五月初七日

路礦總局成案已鈔寄以後礦務已略擬章程昨接陶方帥咨法人已照會索辦礦現擬電奏但恐他人誤會如得電 旨飭議辦法較爲鄭重乞鈞酌

行在軍機處來電

五月初七日

礦務一節所關甚鉅誠如尊論亟宜以開爲守各國合式律例希卽擇要見示其應如何抵制之處亦望熟籌電知以便核議請 旨辦理

北京慶邸李相來電

五月初九日

魚電議賠款事洞中窺要局外恐不深悉中國財

力太絀與其縮期省息而抵款難籌終難成議何如展期從緩雖息銀多出而財用稍紓通盤籌計不得不爾至商約本無須亟將來卽能加稅彼索酬太奢必多損礙執事儘可緩來昨電奏已略陳之

劉峴帥來電

五月十一日

上年北方拳匪滋事各國調洋兵來滬保護租界現在和局大定北京聯軍逐漸撤退所有駐滬洋兵自應一律辦理祈尊處面商各國總領事請其將各該軍隊撤回本國以定人心而昭睦誼爲禱

候電復

寄巴黎裕大臣並轉楊呂羅伍各大臣

五月十一日

行在政務處真電本處更定政要擇善而從查西洋各國變通政治互相效法日異月新允宜採資考鏡應請貴大臣將該國現在政治學校財政軍政商務工藝諸大政章程條例分別擇要譯錄迅速咨送本處以備採擇宣轉

寄東京李大臣

五月十一日

行在政務處真電本處更定政要擇善而從日本變法遠臻富强尤可取法應由貴大臣將該國現在政治學

校財政軍政商務工藝諸大政章程條例並所譯各種書籍廣爲搜羅迅速咨送敝處以備採擇

寄濟甯浙撫任中丞

五月十七日

師電已屬逢辛查復鈞駕何日南行約何時履任頃聞意國將有事於沙門象山之間英暗助欲步德膠故事上海洋兵數千亦未退殊切杞憂

寄江鄂督帥贛湘撫帥

五月十九日

頃據萍鄉路礦局員真電萍地游勇甚多今早城內外遍貼僞示用紫花僞印標判格式儼同官示有乘議和時防不勝防傳集萍醴宜春等處頭目焚燬鐵路機器

碼頭等語縣署並查得寄袁郡阮守僞札現已稟府飛
函各縣會營嚴密防範但當各路裁營之際散勇紛紛
來萍謠言均無非與洋人爲難請速電各帥飭辦等語
此電與萍令顧家相電相符去夏涑水拳匪初起先折
鐵路未能嚴辦以致燎原今萍鄉遍貼僞示亦以燬鐵
路機器爲發難之端竟敢造印傳檄儼同叛逆若不及
早剪除爲首萬一釀成事端外人勢必藉端發兵保護
不特索賠押款可慮現今江鄂拿辦會匪極嚴萍鄉兩
省七縣交界會匪游勇恐交并爲患非示兵威恐難息
事乞勉帥迅速就近添撥精隊一面飛飭營府縣趕緊

嚴密查拿爲首免蹈拳匪覆轍廩帥亦望撥營赴醴攸
瀏協助以防匪類合串爲患更烈並求峴帥香帥飛電
咨行總期消患爲大局幸

寄江督劉峴帥贛撫李勉帥

五月十九日

接萍鄉令顧家相及局員公電和局旣定礦路洋員將
回查舊歲張香帥保護鐵路告示甚嚴切載湖北商務
報中江西地方從未見過似此告示擬懇會商勉帥援
近日保護盧漢鐵路諭旨嚴切出示不宜再緩現因
各路裁撤勇丁紛紛經過逗遛甚難防範今日得會匪
所出僞示以仇洋人毀鐵路機器爲詞並懇咨照勉帥

嚴飭防營責成保護礦路駐萍勇丁幸勿裁減以維大局切禱云今日德國礦師已由湘潭折回據稱萍鄉遍貼偽示仇視洋人擬欲稟告德使設法保護等語請宮保中丞迅賜電飭防營責成保護並嚴切出示以免滋禍爲禱

寄李中堂 五月十九日

沈道能虎電鐵路合同議妥已電屬回京請示核准再行畫押合同內唐沽如何接轉京倉如何交收沈電皆未敘明應請中堂與戶部倉場核定行江浙及招商局遵辦沈請月初米到沽裝車棧房尙未收回津沽洋兵

正多能否無礙乞酌示再咨江浙訂期開兌

劉峴帥來電

五月二十日並致張香帥俞廉帥李勉帥

萍鄉匪徒膽敢僞示煽惑若不趕緊查拏嚴行懲辦恐成燎原之禍去歲北事可爲前鑒時局甫定萬不可再滋他變致外人藉口保護兵入腹地又成不了之局應請勉帥立速挈銜電飭該管文武及防營保護礦路拏辦奸宄如該處兵力尙單卽祈酌調勇營赴萍接應並嚴切出示曉諭解散脅從一面請香虞兩帥撥營赴湘邊界協助以防竄擾至禱

寄李中堂

五月二十日

沙多稟接行車洋總管普意雅爾並鈔法統帶萬函稱
德軍約七月一號全退法軍八月一號退出保定如仍
需保護當留數小隊專護京鐵路但中國政府宜預籌
已照會中堂請先於正定至保定一段駐紮防兵繼以
京保防兵尤須紀律嚴明數目足用方能切實保護云
沙多以關係中國政府並比公司若政府不實力於鐵
路所經地方派兵防守使無藉口莫望洋軍全行退出
路工人員勢必一起告退請力懇中堂照准並將如何
防護辦法先示等語前已奉 旨著妥速議奏查鐵路

向無巡兵無從歸併將來或籌款自練警察隊但目前
事急只可請中堂暫撥一營沿途分紮以免比法藉口
謹擬數條伏候裁示

又五月二十一日

號電計達頃又據沙多稟鐵路護兵仍聽選派華兵官
管帶已極通融但兵官須與鐵路上等洋員妥商辦理
倘試辦無效則須選聘洋教習督帶前請迅速電懇中
堂派兵駐紮鐵路今再懇電催以安洋員之心倘中國
尙在遷延祇得自行設兵聘洋兵官管帶實有未便於
中國等語看來法人催逼甚急沙多係比人意甚助我

務乞先派一營分紮正定至京並札飭孫道鍾祥鄭道清濂爲營務處一切會商營官及洋員妥辦沙多又請派紀津嚴明好兵如蒙派委提督所部可免藉口沿途分駐於地方亦可兼顧候鈞示擬與沙多另議津貼月餉各章程呈請核定但須求先行派定爲要

寄蘇州聶中丞陸方伯羅糧道杭州余中丞誠方伯陸糧道 五月二十二日

頃接傅相養電沈道抵京運漕合同已與英兵官簽訂頗周妥據稱界外沽棧裝車起駁裝卸一切均面屬仁記承辦六月初十前米到沽萬不能遲岔道飭趕修京

是房不事 名王 一王
城接運另派人包辦此屆統由商局包運到倉飭沈道
會江浙兩道交收以清運交界限俟稟到卽電咨江浙
趕速開兌沈道辦事勞費宜加月薪等因查沈道奉傳
相戶部飭訂車運合同尙未寄到初一唐沽開兌期限
太促請卽派各總辦來滬面商辦法初運斷不能多總
須先將舊漕及白糧運出方能接運已收蘇漕餘俟合
同到後咨送祈速復

張香帥來電

五月二十三日並致劉峴帥李勉帥
俞虞帥

盛大臣效電萍鄉游勇用僞印出僞示欲焚毀鐵
路機器碼頭各處散勇紛紛赴萍謠言與洋人爲

難等語查北方拳匪滋事上累 君國下害黎庶
幾致不可收拾今幸和議甫定而萍鄉游勇竟敢
效尤煽亂實堪痛恨此事前數日英領事已來函
詢問今日德水師提督又面詢若不及早將此股
亂匪剪除游民爲所煽惑內患立起各國必藉端
保護外侮立至務望勉帥廩帥查照峴帥號電迅
派得力營勇馳赴該處會同營縣不分畛域嚴拏
首要務獲懲辦以免蔓延至要至禱

李中堂來電

五月二十四日

號簡電悉鐵路護兵必應派華兵官管帶姜軍現

調往省南勦匪卽可令就近沿途分駐屆時當飭
孫鍾祥爲營務處會商一切法兵候運船到逐漸
抽撤鐵路與法無干斷無留護路工之理亦與原
約不符所擬與沙多另議津貼月餉章程何如並
示知

劉峴帥來電

五月二十四日並致香帥方帥

政務處漾電想達銀元仿自外洋沿江海各省民
閒行用已久若改鑄一兩重恐不能抵制洋元轉
慮窒礙難行鄙見仍鑄七錢二爲便尊意若何或
會復或各復並祈電示

寄劉峴帥張香帥

五月二十八日

粵督陶方帥沁電部庫不肯收銀圓外省雖廣鑄仍難通行廣東開鑄多年商民仍打爛作碎銀用凡變法不從源頭做雖變無益至於輕重似以七錢二爲便云此論極是頃照香帥去年所復京電意擬議大綱銀幣銅幣紙幣齊舉節略二十八寄上關係甚大乞稍待議復寄行在政務處

五月二十八日

各省有鑄局者或謂七錢二係仿墨元若改一兩恐難抵制此說最足搖惑竊見七二龍元初鑄亦疑難行本省通飭釐金准收兵餉准搭乃稍通用前此墨西哥洋

元初到江南商民已習用西班牙洋元而歧視墨元僅搭數成不數年而墨元通用西班牙洋元罕見矣何也市相習也今若鼓鑄一兩奉 旨各庫收兌上下通用斷無不行之理不特使元寶及雜色碎銀俱可鑄成銀元且可收羅七錢二者全鑄一兩以下四等徐禁他國銀幣不准通用或謂林文忠曾鑄一兩銀鏰未能久行其時不用機器因爐坊攪銅多少不定弊重而止非因鑄一兩不便於民也或謂京局鑄一兩各省仍暫鑄七錢二此尙兩可之說目前所鑄一兩龍元不過百萬陶督來電廣東開鑄多年商民仍打爛作碎銀用可見目

前改章尙不爲難在各省局不願改鑄者實因所鑄小元多於大元可攙銅二成獲利頗多藉充外銷之用故必堅持七二爲便西國只設都城一局現今粵江鄂三局已立似可准其分鑄小元粵江皆有鑄銅錢機器亦可分辦銅幣竊不敢謂七錢二必不應鑄但恐中國不能廢去幾兩幾錢幾分幾釐卽能廢兩爲元亦與外國銀元永遠並行作價任其高下難以自主難以畫一難以塞漏卮保利權難以鑄銅幣行鈔票凡變法不從源頭做起雖變無益此二十年來學步西法無益之明證也是在鈞處力持定見請 乾綱獨斷方能建此宏規

謹再密陳

行在政務處來電

五月二十八日並轉各督撫帥

本處查核中外條奏鼓鑄銀元多以改鑄一兩重
爲言今若照一兩重改鑄較之仍鑄七錢二窵以
何者爲宜希貴督等詳細籌商切實議定電復以
便奏明辦理

寄李中堂

六月初一日

沙多面稟正定車路因奉中堂面諭 回鑾需用不惜
工本遵限告成並已電知比法皆欣然謂 兩宮肯
坐火車變法可望未售債票可期出售如果紆行天津

坐英國車則比法大不好看并同兩法人來說意甚快
快能否善全乞酌示

寄 行在王中堂 六月初一日

正定路因趕造糜費甚鉅並製新車竭力趲辦比法公
司來電甚喜謂 兩宮肯乘火車變法可望未售借
票可期出售洋人尊王之意如此又謂紆道天津若坐
英國車則比法大不好看洋人猜忌之心又如此能否
善全乞裁示

寄 行在政務處 六月初一日

正定車路前因 回鑾蹕路所經特飭比公司不惜工

本日夜修造西人皆欣然謂 聖駕肯坐火車變法可望如坐小船日子多亦未必較旱路舒服究竟如何分程恭候鈞示

李中堂來電

六月初三日

昨承電 旨垂詢 回鑾蹕路已於前月三十日聯銜電奏請由濬縣上船至德州上岸起旱赴保定乘輪車入都請分扈員之半由磁州至正定坐輪車先行回京伺候云保正兩路均須由比法人備車伺應可免缺望前經奏明面給沙多限期務飭依期趕修勿得逾限執事亦應早來照料

廣東陶方帥來電

六月初五日

讀尊函昭若發矇如部庫丁糧關卡決肯收用自以一兩爲宜否則依傍洋式不得已也

行在王中堂來電

六月初六日

東電魚到 回鑾必無游移如秋暑太熱起程或稍挪後則未可知由潼關取道洛陽徑至汴梁此議已定由汴北旋 上意極願走一節水路由濬縣至德州然預揣行程卽不至封河亦恐初冬水涸船不能行是正定輪車亟應趕辦此目前情勢也天津必不走可預決耳以上云云均乞祕之

寄李中堂

六月初七日

鈞電已飭沙多遵辦衛輝至濬縣陸一百十里濬至德
水十四站德至保陸四百三十里比較衛輝至正定七
百里所少陸路一百數十里加水路十四站似兩路預
備亦較難請再與玉山一商

寄 行在榮王兩中堂鹿瞿兩尙書

六月初九日

頃接周藩司齊電稱相示兄陽電論 回鑾水陸遠近
極是初馥等請相奏原以磁州至正定陸路及衛輝至
天津水路請 上定旋接樞電過津不便擬由德州登
陸前日相復以此兩路比較遠近難易情形請樞代奏

尙未奉 明諭竊計由德起旱路遠費多且恐洋官求
御舟過津進京反覺費詞不如逕由磁陸行爲便然
在直實不便再說公總轄鐵路能否代達此意云謹聞

劉峴帥來電 六月十五日

近有人來言滬上法日之兵亟願早撤與尊處歌
電相同惟聞德有起造兵房之事昨英德允電商
使署恐係推延之計亟宜趁此兵房未建與之設
法商撤方妥若待工成益難移動務望尊處相機
設籌再向英德切商爲禱

寄峴帥 六月十五日

德領接德使函復撤回上海兵丁一事現尙未及會商
云德兵官駐滬者數倍於兵額甚不可解有人云鈞處
須請全權與各使並電駐使與外部商撤容再向英德
領事切商奉復

愚齋存橐卷第五十五